

Հ

Վ Ե Ր Ջ Ա Բ Ա Ն

Ուտիացոց աշխարհի Ուտիախօս և թրքախօս Հայերի և Հայից դարձած մահմեդականների բարոյական, նիւթական և տնտեսական աննախանձելի վիճակը ցոյց տուի այնպէս, ինչպէս որ կայ այս բոլէիս: Ուտիացոց երկիրը իւր բարեխառն կլիմայով և չափազանց պտղաբեր ու արգաւանդ հողերով ու մարդագետիւններով, չնայելով որ իւր նմանը չունի ամբողջ կովկասում, բայց նրա բնակիչները գտնուում են աննախանձելի վիճակի մէջ: Ինչե՛ր ասէք, որ չէ բուսցնում ու աճեցնում այդ օրհնած հողը, ինչպիսի՛ թանկագին բերքեր ասէք, որ չէ արտադրում այդ սքանչելի երկիրը իւր ժրաջան մշակողների համար: Ամենաընտիր հացահատիկների և պատուական պտուղների ամեն տեսակից զատ, նա բուսցնում է նաև այնպիսի հազուագիւտ բոյսեր և ծառեր, որոնց բուն հայրենիքը Հնդկաստանն է:

Արանից երեք տարի առաջ՝ ես տեսայ մեր տան բակում սև պղպեղի մի քանի ծառեր, որոնց պտուղները չէ կարելի դանազանել Հնդկաստանից բերուած սև պղպեղի հատիկներից: Նոյնպէս տեսայ խնձորի մի ծառ, որ տարուայ մէջ երկու անգամ է պտուղ տալիս. նախ՝ յունիսին և ապա հոկտեմբեր ամսին: Ուտիացոց երկրի ազնիւ մետաքան ու կաղինը, բրինձն ու շագանակը, նուսն